

# Vuk'uzenzele

JOBS  
INSIDE

Produced by Government Communications (GCIS)

English/isiZulu

| Nhlolanja 2019 Ushicilelo 1

## 300 new nurses, thanks to stimulus package



■ Jubilations! Nurses celebrate the good news of their employment, thanks to President Cyril Ramaphosa's stimulus package.

**N**ompumelelo Majola recently had to deal with the sorrow of burying her 65-year-old mother who had succumbed to a long illness.

On the day of the funeral, she received a phone call from the KwaZulu-Natal Department of Health telling her that her application to work as an Enrolled Nursing Assistant had been successful.

"I could not believe it," she said. She had spent the past 13 years struggling to find permanent employment.

Majola who originates from Mbumbulu, now works at the Prince Mshi-

yeni Memorial Hospital in Umlazi in Durban.

"I'd like to thank President Cyril Ramaphosa and MEC Dr Sibongiseni Dhlomo for making our dreams come true," she said.

The employment of the nurses was part of the stimulus package, which was announced by President Ramaphosa. It aims to boost the public health sector through the creation of more than 5 300 jobs throughout the country.

The provincial depart-

ment is also finalising the appointment of porters, general orderlies, pharmacy assistants and artisans.

Another newly appointed nurse Gugu Mdlalose, from KwaMashu, who has been placed at Wentworth Hospital, said: "This was going to be my 14th year of not working since qualifying as a nurse. I am extremely grateful to Bab' Ramaphosa and the entire health team," she said, fighting back tears.

● **Cont. page 2**



**Innibos Craft Awards now open for entries**

**Page 16**



**ALSO AVAILABLE ON:**



@VukuzenzeleNews

Vuk'uzenzele

Websites: [www.gcis.gov.za](http://www.gcis.gov.za)

[www.vukuzenzele.gov.za](http://www.vukuzenzele.gov.za)

E-mail: [vukuzenzele@gcis.gov.za](mailto:vukuzenzele@gcis.gov.za)


Tel: (+27) 12 473 0353

**Free Copy**



# Sekwenziwe lula ukufakwa kwezicelo zomsebenzi nge-inthanethi

**NGOKWETHULWA KOHLELO** lokufakwa kwezicelo zomsebenzi nge-inthanethi, olubizwa nge *e-Recruitment*, uhulumeni usebonise ukuzibophezela kwakhe ekuphuculeni izimpilo zabantu abasha kanye nalabo asebephothule iziqu zemfundo.



■ Ngokucindezela inkonkco nje abantu baseNingizimu Afrika manje sebezokwazi ukufaka izicelo zomsebenzi kahulumeni nge-inthanethi.

**M**aduzane nje abantu abafuna umsebenzi sebezokwazi ukufaka izicelo zomsebenzi kahulumeni ngohlelo lwe *e-Recruitment* olwethulwa nguNgqongqoshe wezeMisebenzi Kahulumeni Nokuphathwa Kwayo, uNgqongqoshe u-Ayanda Dlodlo. UNgqongqoshe wathi uhlelo lwe *e-Recruitment* luzoqaliswa ngokwezigaba ngezigaba futhi luzoqala ukusebenza eMnyangweni Wezemisebenzi Kahulumeni Nokuphathwa Kwayo (i-DPSA) futhi khona maduze nje luzoqaliswa naseminyangweni kahulumeni yonkana. “Uhlelo lwe *e-Recruitment* luyingxenye yohle-

lo lukahulumeni wonkana lokwenza kube lula kubantu ukufaka izicelo zomsebenzi kuhulumeni, ikakhulukazi entsheni. “Lolu hlelo luzobandakanya futhi nokubuyekizwa kwemithethonqubo yayo yonke imisebenzi esemazingeni aphantsi ukuze kuvunyelwe ukugashwa kwabantu abangenaso isipiliyoni somsebenzi kumazinga aphantsi omsebenzi,” kusho uNgqongqoshe Dlodlo. Wathi kuyiqiniso elimsulwa ukuthi izinqubo zama-nje okugashwa ngazo zidala izingqinamba kulabo abafuna umsebenzi futhi iminyango kahulumeni ayikashintshi noma iguquke ukuhambisana noshintsho lwezobuchwepheshe.

“Kulabo abafuna umsebenzi, uhlelo olusha lwe *e-Recruitment* luzoba wusizo kakhulu ngoba lusebenza nge-inthanethi futhi lutholakala ezindaweni ezihlukene kubo bonke abafuna umsebenzi abazothumela izicelo zomsebenzi kwisizindalwazi esisodwa sikawonkewonke,” kuchaza yena. UNgqongqoshe wathi lolu hlelo olusha luzosiza labo abafaka izicelo zomsebenzi ukuba bafake ama-CV abo nemiqule ehambisana nawo kanye nje kuphela, futhi lolu hlelo luzobongela imali ngoba asisekho isidingo sokwenza amakhophi ezicelo amaningi. “Kubalulekile ukugcizelela ukuthi izicelo zoMse-



■ KwaZulu-Natal Health MEC, Dr Sibongiseni Dhlomo, comforts new nurse Nompumelelo Majola, whose mother recently passed away.

## ● From page 1

MEC Dhlomo expressed his heartfelt gratitude to President Ramaphosa for the stimulus package, saying that its beneficiaries will be the vast majority of the population who rely on the State for their health needs – particularly those in far-flung areas. “Today, there are 300 families who have breadwinners. These nurses

have brought tears of joy.” Dr Dhlomo said the nurses have been sitting at home for over 14 years. “These are the nurses who are at the bottom of the ladder of the nursing profession, but they mean so much to our people.” “We hope by injecting 300 new nurses into the system, we’re going to bring meaning in terms of quality of service to our people.” ■

benzi Kahulumeni zisazokwamukelwa ngefomule-Z83 ukuze kusizakale nalabo abangenayo inthanethi futhi lokhu kuzotholakala nange-inthanethi ukuze kufakwe izicelo kalula nangendlela esheshayo kulabo abane-inthanethi,” ngokusho kwakhe. UNgqongqoshe wathi iminyango kahulumeni izohlomula ngoba lolu hlelo luyabavumela ukuba bakhangise izikhala zemisebenzi ngohlelo-xhumano lwe-inthanethi ngalokho-ke lokhu kunciphisa izindleko eziphathelele nale ndlela esetshenziswayo njenga-

manje yokukhangisa emaphaphandabeni. Lolu hlelo oluyingqayizivele lungumzamo wokubambisana phakathi kwe-DPSA kanye noMnyango wase-Gauteng we *e-Government*. UMnyango wase-Gauteng we *e-Government* uhlinzeka ngezinsizakusebenza ezidingekayo zokuqhuba lolu hlelo, bese kuthi uPhiko Lombuso Lobuchwepheshe Bolwazi (i-SITA) lona lufake isandla ngokuhlinzeka ngamakhono ezobuchwepheshe nokuthuthukiswa kwengqalasizinda. ■ [SAnews.gov.za](http://SAnews.gov.za)



# I-Ningizimu Afrika isingene esikhathini sethemba elisha

Dale Hes

**E**sikhathini esingangonyaka esedlule, uMongameli u-Cyril Ramaphosa wasingenisa esikhathini sethemba elisha eNingizimu Afrika. Ngemuva kwesikhashana nje engenile esikhundleni, uMongameli wethula iNkulumo Echaza Isimo Sezwe enohlonze eyayigcizelela ithemba, ukulangazelela kanye neqholo kubantu abayizigidigidi ababebukele ezweni lonkana.

Kwakunomuzwa ongefaniswe wenjabulo ngeNkulumo Echaza Isimo Sezwe yowezi-2018 (i-SoNA). Le Nkulumo yethulwa ngesikhathi esifanele Seminyaka Eyikhulu ka-Nelson Mandela: kuskela ngesikhathi sokufika kwentando yeningi labantu akekho omunye uMongameli waseNingizimu Afrika ozizwe enengcindezi engaka ngamathemba abekwe emahlombe akhe. Kodwa-ke inkulumo kaMongameli Ramaphosa yawugculisa impela umphakathi waseNingizimu Afrika. Yathinta zonke izinto ezimqoka ezibhekene nezwe; yaphakamisa izisombululo ezinobuhlakani; futhi yabonisa ukuzibophezela okukhulu ekwakheni iNingizimu Afrika engcono.

## Imikhakha eyagxila kuyona i-SoNA yowezi-2018

Njengezinye iziNkulumo eziningi ezake zethulwa phambilini, indaba yokwakhiwa kwamathuba omsebenzi, ukukhulisa umnotho, ukulwisana nobubha, eze-

mfundo, ezempilo, izinguquko kwezomhlaba, ukulingana kwezobulili nokulwisana nobugebengu nenkohlakalo kwagxilwa kakhulu kukhona eNkulumweni Echaza Isimo Sezwe yowezi-2018. UMongameli Ramaphosa wathi lesi, kwabe kuyisikhathi sokuza-lwa kabusha ngokugcwele kweNingizimu Afrika. Okuyinto ezinga ukuzimise-la nokuzinikela okukhulu kakhulu kunakuqala.

“Sithweswe ijoka lokwakha isizwe esisha, ukuze silungise lokho okungaqhutshwanga ngobulungiswa esikhathini esedlule futhi silungise nokungalingani okukhona esikhathini samanjanje. Sibizelwe ukwenza lokhu ngaphansi kwezimo ezinzima.”

## Ukwakha amathuba omsebenzi

Njengoba kusemqoka kakhulu ekulwisaneni nenhlupheko, ukudala amathuba omsebenzi kwaba wudaba lokuqala olwaphakanyiswa nguRamaphosa enkulumweni yakhe. “Okusemqoka kakhulu ezinhlelweni zezwe lethu ngowezi-2018 wukwakha amathuba omsebenzi, ikakhulukazi entsheni,” kusho uRamaphosa.

Njengoba ukuntuleka kwamathuba omsebenzi kudlondlobala nje eNingizimu Afrika, uMongameli wagcizelela isidingo esiphuthumayo sokwakha amathuba omsebenzi ngezindlela eziningi ezahlukeneyo. Ukumenyenzelwa kweNgqungquthela KaMongameli Yezemisebenzi eyayizobandakanya izingxoxo phakathi komkhakha kahulumeni, abezamabhizinisi kanye nezinhlangano zomphakathi, kwamukelwa ngezandla ezimhlophe.



Le Ngqungquthela eyabanjwa ngasekuqaleni kukaMfumu, yaba wusizo olukhulu ekwakheni umhlahlandlela wokwakha amathuba omsebenzi. Uhlaka lwesivumelwano olwasayinwa kule ngqungquthela lwaveza izinhlelo zokungenelela ezingaphezu kwama-70 okuhloswe ngazo, phakathi kokunye, ukukhuphula isidingo somkhqizo wasekhaya, ukwandisa nokudlondlobalisa ukuthunyelwa kwempahla yakuleli emazweni angaphandle, ukwakha imigudu yokuba abantu abasha bafakwe emsebenzini futhi kuthuthukiswe nemikhakha efana nezolimo, ukukhiqiza, izimayini kanye nomnotho wemfucuzo.

Ikakhulukazi njengoba intsha ibhekene nokuntuleka kwemisebenzi, uMongameli uRamaphosa uqhakambise izinhlelo ezizohlomulisa intsha. Uhlelo lokulekelela intsha ukuze ithole imisebenzi, i-Youth Employment Service (i-YES) lwethulwa ezinyangeni ezimbili emva kweSoNA yowezi-2018, futhi loluhlelo luhlinzeka ngezindlela ezinobuchule kwezimbizini ezizokwenza amabhizinisi aqashe intsha ezinhlelweni zokuqeqeshelwa emsebenzini ezikhokhelwayo. Kuthe

kuphela unyaka wezi-2018 besezingama-266 izinkampani ebesezizibandakanye ohlelweni lwe-YES, futhi kwaqashwa nentsha eyizi-5 500.

## Ukuthuthukisa Ezomnotho

Umnotho waseNingizimu Afrika ubulokhu ubhekene nenkinga yokukhula ngesivini esincane kakhulu, futhi waze wangena nasobishini lomnotho ofadalalayo ngasekuqaleni kowezi-2018. Kwehla kakhulu ukwethenjwa komnotho wakuleli ngabatshalizimali, futhi leyo mikhakha enamathuba okukhula amahle kakhulu ibingakutholi ukwesekwa ekudingayo ukuze ifake isandla emnothweni.

Ngokuhambisana nesiqubulo sakhe sethemba elisha, uMongameli Ramaphosa waqalisa ngokushesha umkhankaso wokuheha abatshalizimali. Waqoka ithimba lezithunywa ezine ezikhethekile ezizobambisana naye emkhankasweni wokuheha utshalomali olungama-R1.2 trillion ngaphambi kowezi-2023. UMongameli Ramaphosa futhi uhambe umhlaba wonke ezama ukubuyisa ukwethenjwa kwaleli ngamazwe angaphandle, ukuze atshale izimali eNingizimu Afrika.

Lo mkhankaso wafinyelela kuvuthondaba ngokubanjwa kweNgqungquthela Yotshalomali eNingizimu Afrika ngoMfumu, lapho uMongameli amemezela khona ukuthi utshalomali oluthenjisiwe lungama-R290 billion, okwengeza kuma-R400 billion athenjiswe ngamazwe awavakashela ngesikhathi somkhankaso wotshalomali. Sekuqagulwe ukuthi lolutshalomali luzokwengeza ama-R330 billion ku-GDP

yaseNingizimu Afrika ngaphambi kowezi-2024, futhi lwakhe amathuba omsebenzi angafinyelela ezi-275 000 ngonyaka.

Uhlelo lukaMongameli Ramaphosa lokukhuthaza nokuvuselela ukukhula komnotho luhlonzwe njengohlelo olusemqoka lokungenelela ukuze kubhekwane nezingqinamba zomnotho eNingizimu Afrika. Loluhlelo olwamenyenzelwa ngoMandulo luthembisa ukushesha ukutshalwa kwezimali ekwakhiweni kwengqalasizinda, izinguquko emkhakheni wezokuxhumana ngezengcingo kanye nowezimayini, ukubambisana phakathi kukahulumeni nabomkhakha ozimele ekwenzeni imisebenzi futhi kwenziwe lula nohlelo lokuthola izimvume zokungena kuleli, okuyinto ezokwenza kube lula ezinkampanini zangaphandle ukuqhuba ibhizinisi eNingizimu Afrika.

## Ukuqeda inkohlakalo kanye nokuqinisa ukuphatha.

UMongameli usebonise ukuzibophezela okukhulu ekuqedeni inkohlakalo ngaphakathi kuhulumeni nasezimbonini zikahulumeni. Ikhomishana ephenya ngokubhozonyelwa kombuso iqale ukusebenza emva kwesikhathi esincane nje ethathe izintambo njengoMongameli, kanjalo nekhomishana yophenyo eqondiswe ku-Eskom kanye no-SARS.

Ukushitshwa kobuholi ezimbonini ezingaphansi kukahulumeni ngenye yezinkomba zokuzibophezela kukaMongameli ukulwisana nenkohlakalo nokuqinisa ukuphatha. **V**



**U**hlelo lwe-YES wuhlelo olwasungulwa nguMongameli Ramaphosa njengentuba yokuvulela intsha amathuba omsebenzi.